

Laisiangthou Bulphuh

*Huan, Jesu'n a kiang uah thu a gen
nawn a, Kei khovel vak ka hi; Kuapeuh
hon zui tuh mial ah a khosa kei hial
ding, hinna vak a nei zaw ding hi, a chi
a,
Johan 8:12*

Thumna Makai

> September kha Nipini nanung a Amah bia leh phatkhawm thei lai dia hunhoih leh damna honpia Toupa min phat ni.

> Hiai khasung a sep leh bawl dia I gel tuamtuum omte banah, I gel masak hilou honpina I tante ziak in kipahtu gen ni. Huchihlai in Amah deihdan chingzoulou a sep leh bawl I neihkhak omleh huaite ziak in ngaihdam ngen ni.

> October kha matuah dia I kisaklai in, ani leh kha in bangmah hon pelou ding himahleh - hunthak a Toupa ompihna leh makaihna toh I siamsinna, I sepna leh bawlna peuh a I lamzanna ding in Amah khut ah kikemsak ni.

> Oct. 9-12, 2016 sung Naupang Hotdamna Camp neihdia kigel - kisakholhna lamzang zel. Vaisai BCD heutute, khohun nuam, thugentu dingte leh a telding naupangte- Toupa' ompihna toh kisakhol, kizang leh gahsua ahinna din thum zomzel ni.

> Oct. 15-16, 2016 sung TBYF intekna a TUALAI DAY zat ding program gel hita. Thu leh la a kitaitehna, thutak ankuang luina hunte zat hiding. Manpha leh gahsuahtak a program zat leh zoh ahihtheihna ding in thumna in phawk ni.

> Nipini nawn October kha a Nipini masapen hun a biakhhawmna hunseh kigelte Toupa khut ah laan ni. Hiai hun a chidam a Amah bia leh phatte lak a tel ding a kisakhawl in Amah ompihna ngen ni.

Anngawl Thumna Om Ding

Hongtung ding October 2, 2016 in Biakna kikhop patma 9:30 AM in Anngawl thumna Biakin Basement ah a om nawn ding. Hiai thumna hun ah saptuam, khotang, nam-le-gam leh awlmohhuai thute share khawm a thumna hun zat hiding. Thumna lam a kal sangzaw suan dingin Toupa en in hamchiam tek ni. Alunglutte kihongtak a telchiat ding in Toupa'n hunhoih leh chidamna hon pia hen aw. Mahni ann nek tang thoh utte'n antang/sum in tawi theih gige ding.

TUNI BIAKNA HUNZEK**9:30AM- Naupang Camp adia Thumna - Pitu Pastorte****11:00AM- Zinglam Biakna Kikhop**

Pathian' Phatkhawmna	: WT makaih in
Thumkhawmna	: Mipi
Thilpiak/Latna	: Upa Tuanmuanthang
Pem Laklutna	:
Pastor' Thumsakna	: Pastor
Thugenna	: Pastor
Pathian' Phatkhawmna	: WT makaih in
Vualzawlina	: Upa Thiankhanmuan

Tea Fellowship - Singpi dawn kawm a kithuahkhawmna**2:00PM - Sunnung Biakna Kikhop**

Biakna leh Phatna	: WT makaih in
Thilpiak Latna	: Upa Thangkhosiam
Kisinsakna	: Rev. Dino Touthang

Topic : "Dare to be Different"

Pastor Thumsakna	: Pastor H Biakson
Hunkhakna & Vualzawlina	: Upa Damsomthang

Tea Fellowship - Singpi dawn kawm a kithuahkhawmna**Nipini paita [18.09.2016] Biakna Thilpiak Lakkhawm**

Sawm-a-khat - 1,78,075/-; Nipi Thilpiak - 9,290/-
Missionary vakna - 10,120/-; Dorcas Antangpham - 300/-;

NIPINI NAWN BIAKNA HUNZEK

October 2, 2016

9:30AM- Anngawl Thumna - Pitu : Upa Ngulminthang**11:00AM- Zinglam Biakna Kikhop**

Pathian' Phatkhawmna	: WT makaih in.
Thumkhawmna	: Mipi
Thilpiak /Latna	: Upa Chinsum
Pastor' Thumsakna	: Pastor
Thugenna	: Pastor
Pathian' Phatkhawmna	: WT makaih in.
Vualzawlina	: Upa Kam Suanthang

2:00PM - Sunnung Biakna Kikhop

Biakna leh Phatna	: WT makaih in
Thilpiak Latna	: Upa Dr B Langkham
Pastor' Thumsakna & Thugenna	: Pastor H Biakson
Topic : "Numei-Pasal kal a Chihtakna"	
Hunkhakna & Vualzawlina	: Upa Thangkhosiam

Toupa'n, I kisapna bangzel in mimal kim Thupha hong pe ta hen

Editorial UBUNTU

Huaiziak in, thil bangkim mi'n natung ua ahiah ua nadeih ding bang uh, mi tung ah leng hihsam un; huaituh dan thu leh jawlneite thu ahi him ahi.
(Mathai 7:12)

Tuni a I thupi tel "UBUNTU" kichi thumal, tukha bul lam a Whatsapp group khat a hong ki-post thumal hoih kasak mahmah ziaik in; hiai thupi a nei in I Saptuam tukha thupi, "Khotang hinkhua a diktatna a kilamthakna" chih houlimkhawm le'ng chi in ka hong kisa hi. Hichibang in hong kigelh hi:

Africa gam a nam neukhakhate omdan suitu Anthropologist khat in naupangte samkhawm hi. Singbul khat a chikhum khat koih in, naupangte metre 100 a ding sak hi. Kitaiteh a singbul tung masapen in huai chikhum atan/aloh ding ahi. Anthropologist pa'n, "Kiging un; khat, nih, thum" chi a tai dia a sawl leh lamdang asak mahmah thilkhat hong om hi. Naupangte tuh khut kilentuah leh kituaktak a taikhawm in singbul tungton ua, chikhum tuh kihawm in nekhawm siausiau uhi. Anthropologist pa'n bangchidan hiam chi a adot chiang in, amau "UBUNTU" chi'n dawng uhi. Huai tuh "Ei tengteng ziaik a kei om thei ka hi" chihna ahi. Hiai tawh kisai google search ka bawl leh hichi'n kigelh hi; - Ancient African word meaning "humanity to others" - Also means "I am what I am because of who we all are" (<http://www.ubuntu.com/about/about-ubuntu>)

Hiai Africa a namniam mahmahte paukam gen nei mahmah tawh, tukum I thupi leh abik in tukha I thupi kituak kasa mahmah hi. Huan, hiaite nammawil milmel leh Khristian leng ahi naikei maithei uh. Himahleh I Laisingthou tangtel ana zuikha mahmah uh na hi dan ahi. Amau hiai thilhoih chindan leh zuih zongsat a nei in thumal hoihpi khat khovel theihphak hial ding piangsaktu hong hi uhi.

Unaute, Pathian in khat leh khat kipoimawhtuah leh kipanpihtuah dia hon na bawl zaw kihitaktak hi. I siat-iphath, inat-isat, ilungkham-idah in midanglou in kuamah mihing ta kikhosa theilou hi. Niteng a I nek leh dawn, I silh leh tente leng ei poimawhzah kuamah in ei leh ei a musuah omlou hihang. Huaiziakin hiai bang hun ah, tua I dinmun tawh kituak in mi I ngaihsak or midangte a dia phatuam leh manpha in I hinghiam chih kivel poimawhlua hi.

Leitung khosakna leh mihing hinkhua a lamdang ngeimai. Zomi paunak khat in "Piansual kikhellou" ana chi hi. Huchimah bang in zawna leh hauhna leng kikhel omlou hi. Tuhun in Pathian vualzawl na ziaik in khosatheih leh mite panpih thei dinmun in na ding ahi thei. Unau, kisatheih het kenla, midangte panpihna leh Toupa gam nasepna a ding in atamtheih bangpen kizang in. Tua na summuhna nak uh or asepana neipen om kei phut leh, nang leng mi panpihngai hikhatheih na hi chih kiphawk gige lechin midangte na awlmohlou theikei ding hi. Tuaban ah I ngaihsut lai dia hoih tuh I suan-i pakte leng tunung a mi panpihngai leh gentheitak a om thei ahi uh chih phawkphak poimawhlua hi.

Ngaihtuah kikzek mahdih! Kum bangzahhiam paita, na high school kailai a khosatheih, silh leh ten a leng vual englou, nek leh dawn a leng nahitheih na chihte; tua a nu leh pa or nekmuhna buai a niteng

nektawm zonga om natheih om mahmah ding hi. Huchimah bang in, huailai a gentheih leh haksa mahmah tua khosakna hoih leh inn hoihtaktak a teng natheih leng om bok ding hi. Huaiziak in mihing kuamah maban theih omlou I hihman in, I mihinpihte tung ah siamsuah in Toupa gam nasepna ah leng tha-leh-zung, sum-leh-pai tawh pang ni hang. Hiai tan I tun theihna Pathian ziaik leh ei tengteng ziaik ahi. TOUPA 'N SIMTUTE UBUNTU HINKHUA ZANG THEI DI'N HONOMPIH IN HONVUALZAWL CHIATHENAW.

BYF CORNER GROUP KHENNA

Tuailai Area Fellowships tuamtuaunte Group 4(li)suah in kigawmkhawm a, tua group 4 te'n Tuailai Day chiang in thu leh la chi tuamtuaam ah kitaitehna nei ding uhi. Group khendan hiai bang ahi.

1. ITNA GROUP: Munirka Area – I | JNU Area (Masoodpur, Vasant Kunj, Mahipalpur) & Vasant Vihar Area
2. LEMNA GROUP: RK Puram Area | Dwarka Area (Mahavir Enclave, Palam, Nasirpur, Hari Nagar, Janakpuri, Tilak Nagar) | Nanakpura Area (Nanakpura & Delhi Cantt.)
3. DIKTATNA GROUP: Mohammadpur Area | Safdarjung Area (Safdarjung, Sarojini Nagar, Nauroji Nagar) | South Extension Area & Jamia Area.
4. GIN-OMNA GROUP: Munirka Area – II | Bersarai Area (Bersarai, Katwaria | Sarai, Lado Sarai) | Kishangarh Area | Pushp Vihar-Madangir Area (Pushp Vihar, Madangir, Tukhlaqabad, Khanpur, Sangam Vihar, Savitri, Malviya Nagar).

Note: Hiai Group khenna a telkhalou veng/area a omkhate'n mahni kinaih pihpen veng/group zop ding ahi.



OCTOBER 2016 USHER

Toupa'n dam a Khathak (October) hon muhsak lamem in OCTOBER 2016 sung Mipi Biakkhawmna hunte a Usher dingte :

11:00 AM Biakna :

Hari Nagar Prayer Cell leh Dwarka Prayer Cell apan

2:00 PM Biakna :

BYF Munirka Area I apan

September kha sung kizen leh feltak a Kikhopna hun nihte a Ushering a pang Mahavir Enclave Prayer Cell 1 & 2 leh Munirka Area II Fellowship te tung ah Toupa min in kipahtu I gen hi.

TUAILAI DAY 2016 | October 15-16, 2016

Thupi: THUTAK LEH DIKTATNA A KIBULPHUH THAKNA
~ Paunakte 14:34

Pathian in hunpha honpiak leh hongtung ding October 15-16, 2016 sung in l Biakinn uah TBYF intekna in Tuailai Day 2016 program kizang ding hi. Tuailaitekisakhol a, hiahunaatamtheilamtel ding a kimansak ding in i kichial uh ahi.

PROGRAM HIGHLIGHTS

DAY – 1: October 15 | 2016 | Kiginni

Session I [10:30hrs - 12:59hrs]

- Ø Biakna leh Phatna
- Ø Tuailai Day Message: **Pastor H Biakson**
- Ø **Contests:** Solo & Extempore Speech.

Lunch [13:00hrs - 14:29hrs]

- Ø Spot Decoration Competition

Session II [14:30hrs – 17:30hrs]

- Ø Biakna leh Phatna
- Ø **Contests** - Spot Decoration(Presentation)
Bible Quiz | Musical Drama.

DAY– 2: October 16 | 2016 | Nipini

Morning Worship Service [11:00am -] kikhop ngeina bang a pai ding.

Evening Worship Service [2:00pm -]

- Ø Biakna leh Phatna
- Ø Tuailai Day Message &
Tuailaite adia Thumsakna: **Pastor N Tuang Lang**
- Ø Kipahman Hawmna

COORDINATOR THAK

Area Fellowship Coordinator(s) khenkhat in mohpuakna lenthei nawnlou ding dinmun a omziak un a coordinator ding in anuai ate guan thak ahi uh.

Irene Kimnunhoih - Kishangarh

Nemngaihlon - Bersarai

Lianmalsawm @ Chomchom Shoute - Safdarjung

Thumna ah phawh in...Kisakhol in...

TUAILAI OUTING:

Tuailaite outdoor activities tuamtuam a kithuahkhawmna..
November khasung a hun lemtang masa a neih sawm ahi.

TUAILAI CAMP 2017

Ahun: February 16 - 19, 2017
Speaker: Evan. T Damkhotang.

ding uh hiahun sung a zohtheih dia hong ki-arrange ding uh ahi.

- v. Laa 2 vei pat thak theih ahi ding a, 3 vei patthakna ah negative marks(-5) om ding.
- vi. Music/Track a zattheih ding. Himahleh, a zang-utte'n mahni a ki-arrange ding ahi, Music/Track in mark a pawkei ding a, a sukbuai zawkleh (-5 marks) om ding.
- vii. Music/Track kipat toh kiton in time a ki-en ding a, hunchiam (4 minutes)pel omleh (-5marks)a om ding.
- viii. Lasak ding copy leh, track zang ding te'n Oct. 9, 2016 tan in incharge-te kiang a submit teitei ding.
- ix. Judging Criteria anuai a bang ahi ding. Vocal (30 marks) | Melody (25 marks) | Wording (20 marks) | Creativity (15 marks)&Performance (10 marks). Grand Total = 100 marks.

Incharge: Chinkhansiam - **97160 54541** | Sangpui - **99112 57933**

Note: Kidemna peuhmah Judge-te decision final ahi ding.

CONTESTS ITEMS: Rules & Guidelines

1. MUSICAL DRAMA

- i. Theme: THUTAK LEH DIKTATNA A KIBULPHUH THAKNA
- ii. Group 1 apan team 1 zel a telthei ding a, team 1 apan participants mi 10 tunglam ahih ding ahi.
- iii. Kidem hunsung ding (time allotted) minute 10 ahi, hiai sang a sawtzaw ahilhloh ding.
- iv. A la ding group/team chih in akitel ding uh ahih ban ah track zang dingte'n a track ding a kingaihtuah ding uh ahi.
- v. Ala kizang/kisading eipau ahih ding ahi. La mahni a kiphuah a omleh kiphaphi ahi.
- vi. Judging criteria: Creativity (25 marks), Relativity to the theme (25 marks), Co-ordination (25 marks) & Performance (25 marks). Total = 100 Marks.

Incharge: N Chinginthang- **99538 20651** | Ruth Manhauvung -**84479 89382**

2. SPOT DECO

- i. Theme: THUTAK LEH DIKTATNA A KIBULPHUH THAKNA.
- ii. Kidem hun(time allotted) haidan ahi. Decoration – 40 Minutes, Presentation – 20 Mins.
- iii. Participants: Team 1 apan mi 10 sang a tawmzaw ahilhloh ding.
- iv. Hiai spot deco a pang dingte kha bangmah kisakholh a ngaikei ding, amun ah thilpoimoh di teng hon kipe ding ahi.
- v. Presentation petu pen spot deco a telmah 1 ahiding.
- vi. Presentation pen second session kikhopna hun ah mipi mai a neih ahi ding.
- vii. Judging criteria: Total = 100 Marks. Relevance to theme (40 marks), Creativity (30 marks), Presentation (30 marks).

Incharge: Lalthang - **99716 04797** | Chinglunman - **98992 77729**.

3. BIBLE QUIZ

- i. Topic/syllabus- Tukum Piching Nipi Skul Sinlai, huai tuh, Johan 1-10 sung a huamding.
- ii. Hihhchian Bu &Laisiangthou (Paite pau version lui pen) pansan a dotnate bawl hi ding. Biblical text dotna/dawnna omkhak nate ah, Laisiangthou version lui pen zat hi ding.
- iii. Participation - Group chih apan team 2 chiat a pang thei ding ua, team khat ah mi 2 zel a om ding.
- iv. Group 1 apan Team 2 tegel ah, numei&pasal om di zah fixed hikei mahleh, numei khat leh pasal khat bek a tel ding uh. Huai tuh, mi 4 teng pasal kiahiam, numei kiahiam ahilhloh ding, chihna ahi.
- v. Quiz Type: Kam a dawn thoh kidemna (oral quiz) ahidia, Tuailai Day ni a sai ahi ding.

Note: Kidemna hun&mun a rule zuih dite, detail zaw in a hun bang zel in hong ki-update ding.

Incharge: E Thonsuanmung –**83750 90347** | Thangzasiang Paite -**98115 36642**

1. EXTEMPORE SPEECH

- i. Group chih apan mi 2 a telthei ding.
- ii. Kidemna hun ah thugen ding dohtoh ahi ding a, a thulu gen ding(topic) et ahihnung adang teltheih ahi nawnkei ding.
- iii. Thugen hunsung minute 4 ahi dinga, 3.30mins in warning piak ahi ding. Minute 4 nunga kigente credit piak ahi nawnkei ding.
- iv. Group chih apan participant ding numei leh pasal tuak hi theileh chih duhtusam ahi.
- v. Judging Criteria: Approach/Delivery - 20 | Presence of Mind – 20 | Relevance of speech to the topic – 60. Total= 100Marks.

Incharge: Kapgoulian - **99993 91461** | Linda Niang - **96540 53832**

2. SOLO

- i. Participants group chih apat mi 2 tan ahih ding. Numei leh pasal tuak hitheloh duhtusam ahi.
- ii. Pathian phatna la, Paite pau a sak ding ahi.
- iii. Mahni deihdan leh hoihsakdan in a saktheih ding.
- iv. Time limit, minute 5 sang a sauzawlou ahih ding. Participant te'n a lasak

WORSHIP-CUM-MISSIONS MOTIVATION - 2016

Nov. 5 & 6, 2016 in Tualsung Baptist Mission Committee leh Worship Team kithuah in **Worship-cum-Missions Motivation – 2016 (WCMM-16)** zatna Biakinn ah kineih sawm. Rev. Gin Malsawm, Director (SD) thugentu dia chial ahi. Kisakkholhna apai lailai in, WCMM-16 tup-le-ngim leh concept khenkhat itaklang diing.

Piankhiak dan: Worship Orientation leh Motivation Nov. 5 a neih ding leh Mission Sunday Nov. 6 a neih diing chih Saptuam Year Plan ah om hi. Ani kizom ahihna toh Pathian in mihing' geelna tunglam pek ah deihna nei hi ngei ding a gintakna lianpi a om man in, a kigawm a **Worship-cum-Missions Motivation-2016 (WCMM-16)** zat ding gelkhiak ahi.

Tup-le-Ngim laigil: Saptuam in Khrist batna leh A Thupiak Thupi zuihna a kilangkha, Pathian bekhawm pawlpi hih ding a mengmuhna ahi, chi hi (*EBC Kiphuhkhiakna Dan Vision Statement, page A-3*). Hiai mengmuhna tangtunna ding in Saptuam pawlpi'n tup-le-ngim chi nga (5) na nei hi - *Pathian Biak Ding, Tanchinhoih Puanzak Ding, Kithuahkhawm Ding, Khrist Nungzui Bawl Ding, Nna hoihte Sep Ding*, chihthe ahi (*EBC Kiphuhkhiakna Dan 2015, Article No. 3*).

Hiai khuampi poimohte a vekpi a khatvei thu a sukha zoulou ding a kihih man in, tutung program ah, **Biakna, Nungzuihna leh Missions** sukkhak sawm ahi. Hiai teng thum hoihtak a i sukkhak leh adangte leng bangchi hiam a sukha khin kihi ding, chih ngimna leng ahi ngal hi. **"Pomtak Biakna Hing leh Nungzuihna a Gahsuahna" (Johan 15)** chih thupi din kiguang hi. Johan bung 15 in nungzuihna a gah i suan theihna ding a poimoh bangkim, Amah a om gige-na, hahsiangthou-na, a thupiak zuihna, khovel leh nungzuite kisai-na, theihpihna nna sepna chite a tuunkha vek hi. Huaiziak in biakna dik a kibelphuhna, nungzuihna leh tangthupha puanzakna a gahsuahna thu kisinsakna ding a Lasiangthou kingakna hiding in aki telkhia hi.

Program paizia ding: A tung a tup-le-ngim laigil tangtunna ding a thupi kiguang pen chi li (4) in kikhennen hi. Program session 4 a khen in, thupi (i) *Saptuam a Pomtak Biakna Hing*, (ii) *A Gahsuang Khrist Nungzuitu*, (iii) *Missions Nasepna a Gahsuang Saptuam*, leh (iv) *Christian Youth and Missions Opportunity*, chi a khennen ahi.

Practical Praise and Worship: Session teng ah Practical Praise & Worship, Worship Team makaih in om gige ding hi. Hiai hun ah a betu hiding a kipumpiakna kim, nungzui muanhuai ding a Khrist khebul a kipumpiakna, a tangthupha meisel pesawntu hiding a kilatkhiakna hunte om zel ding hi.

Special item: Session teng ah tualsung leh mundang akipan chial thoh mimal leh a pawl, special item present om zel ding hi. Toupa'n hiai bang a thu leh la a talent/ hihtheihna a piak mite tungtawn in mipite'n a vualzawlina tang ding uhi.

Kuate kihel ding?: Pathian biakna leh phatna Khrist a ka hinsan leh ka hih ding poimoh pen ahi chitheh tengteng; Khrist nungzuihna a Amah batna nei a pichin dong a khan ding lunggulh tengteng; Tangthupha puanzakna a Toupa vanzat manpha hih ut leh midangte aa dinga gah manpha suangkhe ut tengteng! Kuapeuh' hamphatpih dinga kigel program ahi.

CHRISTIAN INFLUENCE IN THE MARKET PLACE

-Upa Chinsum

A tunga thulu kipia pansan a Christian Professionals Forum (CPF) in nisim 19 Sep 2016 (Seppatni) nitak dak 6 apan 8 tan National Council of YMCA auditorium, Jaisingh Road, New Delhi a program nei di ci'a Chialna sanggampa John Samuel in e-mail a khahkhiak in a thu hibang in kipan hi: *No life ever lived on this planet has been so influential in the affairs of men like the life of Jesus Christ. And if we are fully committed to the cause of Jesus Christ, then we would have far more influence than we do. As God's children, we have been called to make an impact and influence the market place.*

Hamphathuai tak in hiai hunseh, heutute U Gouthang, U Vumlunmang leh naupa David Nengsonlian tawh vatel thei ung. Hunpi zang di'a chial, Greg Elzinga, Director, Partners Worldwide USA, AT&T, Lucent Technologies leh FedEx. te a seemsa ahi. A ji leh India a a seppihte pawl khat hong pai thei ua, India gamsung leh gam (country) 25 sanga tamzaw a a sepdan uh a gente un lung khoih in tha thousak. A genna uah, *"Our model is a Spirit-led partnership" ci ua, "The long-term, hands-on relationships work to create flourishing economic environments to make Matthew 6:10 a reality – 'your kingdom come, your will be done, on earth as it is in heaven'. As agents of the Good News, we seek to bring reconciliation, restoration, and wholeness to the oppressed living without hope or opportunities of employment"* ci uhi.

Partners Worldwide in, *when we comes to ending poverty, we mean business...* ci in, business leh business networks tungtawn a zawna hih bei sawma panlakna uah vanzat/ siksan thum nei uh. Tuate LCI = Local Community Institution, BA = Business Affiliate team, leh PW = Partners Worldwide staff. Hiai te banah, zawna hih beina di'a panlakna ah system of four spiritual strategic activities cih nei uh, h.t. Mentoring, Access to Capital, Training, leh Advocacy te ahi.

CPF, nekzonna tuamtuan nei Khristian, a Christian values uh hinkhiakpih in khawtang leh gamsung a kikhekna tun ngei diing ahi cih gingtate kilawikhawmna ahih dungzui in paikhawm mite simpha mahmah uh e. Medical & academic doctors, engineers, teachers, lawyers, bankers, Government officers, etc, hall dim kipaikhawm. Hiai hun ah Mt. Carmel School pantupa Dr V.K. Williams in zong "Christian influence in the society" cih thulu pansan in hun saulou zang a, ama'n a genna ah, "Poverty is not due to absence of funds but absence of faith in the true Living God" ci hi. Simtute, TOUPA thupha!

Today BCD DEVOTION PROGRAM

Pitu : B. Paukhanthang
LST sim a thumna : Np.Benny Thanglalmuan, Inter
Phatkhawmna : Lapite' makaih in
Siangthouna Nipini (BCD Calender) thugen : Upa Thianzakham, Suptd.

Thupi: Pumpi Siangthouna

Thupuanna : A om bangbang
Thilpiak latna & Hunkhakna : Htn. Mankhanning
- Pawl kikhenna